

武強縣志重修卷九

列女志

歷代史傳皆志烈女或以才學著或以賢淑稱
咏絮頌椒斷機畫荻者難更僕數而所最難者
莫如青年勵志祚薄門衰奉翁姑撫幼弱勤針
帶操井臼茹蘖飲荼爲寒微續一綫之嗣於弗
衰視堅操拒守誓死自經者其節行爲尤鉅洵
足爲女宗而樹人倫之望傳奕世而發潛德之
光固不得謂扶輿清淑之氣獨鍾於魁梧之奇

士而無與於巾幗之完人也志列女

節烈

明

李克儉妻王氏

克儉庠生早卒氏年十八欲自殉衆救之正德辛未流賊竊發氏守

正不避姑張氏病視以身代疾果愈嘉靖十八年奉旨旌表

劉隆妻李氏

年二十五歲隆故無子氏誓自殉衆救之焚香失節守四十七年而沒

于天爵妻劉氏

天爵庠生氏二十而寡舅姑以家貧欲奪其志氏堅守四十餘年

李順妻某氏

崇禎年荒人相食順得麪餅一器鬻其妻妻曰此安能苟活耶卽夕縊死

順亦

自縊

谷仲武妻段氏

賈天佑妻李氏

年二十九夫故遺子亘方三歲家寒氏清苦萬狀訓子成名孫如式

官顯有司上聞奉旨旌表墓在洛沱灣北有碑志

苑萍妻段氏

萍省祭官早卒無子氏與側室張氏守節自失有司表其門閭曰雙節

張季妻李氏

年三十而寡翁姑先逝依父李智家守節教子讀書補弟子員

李容肅妻周氏

容肅庠生嗜學成疾卒氏圖自盡不得至七日自縊柩前縣表其門

李游妻苑氏

二十二歲夫亡數圖自盡以姑老止有勢豪覬覦氏者氏毀容絕之姑沒

自營葬日吾向爲未亡人者以姑在耳今何生爲尋卒邑令王釐土歐汝孚相繼立石展其墓

周宗堯妻王氏

年二十一歲夫亡教子文英廩生爲知名士崇禎九年巡按李旌其門

張大由妻李氏

明季亂仇人張大賢構賊屠其家大由被執氏聞變登樓閉門賊以

刃家大由頸挾氏下樓氏開門而大由已被害氏從容給賊曰汝仇已報更欲得衣物耳願代爲束裝以贖死賊許之於是率婢秋女運衣物成堆乘賊不覺密舉火賊被焚死者十餘人秋女乘賊亂持磚擊死者又三四人氏遽墜樓死秋女爲餘黨所殺

李鳳翔繼妻張氏

十七歲適翔未匝月而翔卒前妻子愈昌方數歲遭明季兵荒

辛苦流離母子相依者三十餘載氏治家勤儉業日以豐康熙年間夏麥將熟夜雨雹氏寤呼昌曰天雨雹矣然吾麥宜無傷吾夢有引我插旗於疆以別吾田者汝出視之遲明昌至田間麥俱毀氏家獨全聞者譁然以爲貞誠所應云氏年八十餘而終

國朝

郭從古妻王氏

十八歲守節教子綿祖入邑庠順治三年有司上聞祀節孝

彭魁妻吳氏

初魁遊薊門娶氏生子鉉甫四歲夫故氏年二十二父母留之氏不從扶

柩挾孤歸夫家事舅姑歿葬盡禮有司表其門

張師寅妻王氏妾章氏

師寅太學生早世氏撫藐諸孤苦操五十餘年子皆

特立諸孫多列仕籍寅妾章氏年十六與氏同心守志王氏八十七歲卒章氏九十五歲卒邑

令佟國莊匾其間康熙四十四年並旌表

張聖化妻賈氏

化庠生早卒氏撫孤與庶姑秦氏同守志有司表其門

張芳聲妻趙氏

芳聲庠生早卒氏撫孤守節四十餘年有司請旌其門

韓萬福妻崔氏

萬福庠生卒氏年十九生遺腹子天樞教之讀書入泮氏七十壽終

邑令李楷表其門孫蕃成進士
令貴溪雍正六年奉旌表

邵隆盛妻韓氏

隆盛庠生氏年二十四夫亡撫庶子守節四十年而歿

楊三捷妻張氏

三捷列弟子員卒氏年二十九教子文聲入泮學使蕭惟豫旌其門

婁景奎妻陳氏

二十二守節年八十餘邑令洗國幹旌其門

劉懷恕妻邵氏

懷恕庠生卒氏年二十四事姑撫孤邑令洗表其門

賈維藩妻李氏

夫故氏十九歲撫孤奉舅至期願而終

王守已妻張氏

夫故子士會又天子婦劉氏撫孫同志守節氏與媳劉氏俱以壽終

路武妻馬氏

氏獨處傭工李喜欲強汚之氏峻拒因被殺康熙年間旌表

韓繼愈妻李氏

繼愈庠生卒氏年二十二守節教子雍正六年旌表

楊資妻張氏

同村人郭旺圖姦氏不從羞忿自縊官置旺於法雍正七年旌表

韓中煜妻賈氏

煜太學生卒氏年二十九嗣子復亡孤孫成立雍正十年旌表

侯翊聖妻魏氏

翊聖太學生卒氏年十九守節雍正十二年旌表

侯元正妻張氏

元正庠生卒氏年二十一雍正十三年旌表其門

賈廷模妻宋氏

廷模庠生卒氏年二十雍正十三年奉旨旌表

韓中燠妻邵氏

雍正十三年旌表

張星法妻李氏

星法官御史沒時氏年十九嫡室符氏憐而欲嫁之氏以死誓毀容

見志乾隆二年旌表

張林妾舒氏

林以湖南道員朝京病故氏聞訃躍井身殉乾隆元年旌表附節烈祠祀

郭塘妻王氏

氏年二十夫亡矢志守貞三十餘載乾隆三年旌表其里

郝鳳儀妻馬氏

年十八守節三十五載乾隆八年旌表

左澧妻高氏

年三十而寡守三十餘乾隆八年旌表

劉成美妻張氏

乾隆九年旌表

郭夔妻杜氏

乾隆十年旌表

劉玉和妻呂氏

赴隣村探親途遇豪暴李姓者欲汚之羞忿而死乾隆十一年旌表

郭濬妻楊氏

乾隆十三年旌表

張相妻多氏

桓邑明經卒氏年二十四乾隆十四年旌表

李某妻范氏

二十五夫歿苦節三十五年撫子張中乾隆甲子武舉任衛弁

杜嗣昌妻李氏

年二十四夫亡守節三十六年邑令表其門

劉瑋妻楊氏

年十八而寡撫夫從兄子凌雲嗣守三十年州牧尹邑令姚俱表其門

韓永年妻張氏

年二十一夫亡守志五十一歲邑令姚表其門

王綿宗妻李氏

年二十三夫亡守志五十六歲邑令姚表其門

杜懷寬妻劉氏

年二十二夫亡苦節五十餘年邑令爲表其門

路文明妻劉氏

二十四而寡守節五十餘年邑令李表其門

路聲遠妻王氏

年十九夫亡苦節四十餘年學使錢爲旌其門

宋敏求妻王氏

早寡守志苦節四十年邑令姚表其門

王吉人妻劉氏

吉人庠生早卒苦守至六十二歲邑令表其里

韓坊妻趙氏

坊邑庠生早卒氏守節屆六十三歲邑令姚旌之

劉弟妻周氏

早寡茹貧苦節屆六十一歲邑令表其門

郭鎮吉妻高氏

夫亡苦守四十四年邑令張表其門

劉忠妻崔氏

年二十六而寡苦節屆五十四歲邑令爲表其門

杜榮祖妻韓氏

年二十二夫亡守節屆五十二歲縣令姚旌之

楊功妻南氏

功側選州佐卒氏撫孤及夫幼弟皆能成立學使者爲旌表其門

郭丙妻石氏

夫歿守節四十二年邑令姚爲表其門

尹起芳妻張氏

年三十夫亡撫孤成立娶呂氏子又役官爲置嗣邑令張表其門

劉景辰妻張氏

早寡守節四十四年邑令姚表其門

劉儼妻張氏

儼中甲午鄉科早卒氏教子爾林入泮亦亡守節四十餘年邑令旌其門

孫浴妻杜氏

年二十二夫亡撫遺腹子如棟成立守三十二年學使者呂旌表其門

李澄修妻劉氏

年二十二而寡以嫡侄崇嗣五十五而終邑侯魏表其門

張洪妻武氏

年十九于歸二載夫亡遺孤子相家貧繼姑不能容逼之他適氏矢守不

渝子相又以痘瘍姑迫彌甚氏泣曰不能保孤已難對夫地下寧忍更失節操言已一慟幾絕

竟不失志累日而死邑侯旌德文旌其里

以上據州總志

賈鳳舉妻杜氏

年二十五歲夫亡子驤甫五歲氏誓不欲生暗吞毒藥翁姑親族解

救復蘇奉親撫孤家無恒產苦節三十七年奉旨旌表

張仲坊妻田氏

年十九歲夫亡無出與侄婦張霖妻王氏同孀居守志五十餘年道

光緒三年奉

旨旌表

張霖妻王氏

二十歲夫亡與孀母仲坊妻田氏守節三十餘年道光三年奉旨旌表

婁殿英妻董氏

年二十七歲夫亡守節三十年學憲陳旌表

程可範妻李氏

年二十五歲夫亡守節三十二年學憲錢表其門

武生周璠妻陳氏

年二十二歲夫亡守節三十四年學憲莊表其門

王立成妻段氏

年十七歲夫亡守節三十九年學憲莊表其門

李時聘妻王氏

年二十歲夫亡守節三十八年學憲莊旌其門

邵某妻張氏

年二十五歲守節學憲德旌其門

拔貢賈昌期妻王氏

年二十九歲夫亡現年五十八歲學憲吳旌其門

杜瑾妻李氏

年十七歲夫亡守節
學憲陳旌其門

陳鳳池妻南氏

年十歲夫亡守節
年學憲彭旌其門

李元璞妾趙氏

年二十四歲夫亡
年學憲杜旌其門

杜鳴岡妻王氏

年二十四歲夫亡
年學憲陳旌其門

郝如桐妻封氏

年五十八歲夫亡守節
年學憲徐旌其門

邵固妻劉氏

年二十三歲夫亡守節
年學憲徐旌其門

張珍妻茹氏

年十九歲夫亡家貧無子甘旨奉
親而自食糠粃學憲吳表其門

康惟康耿氏

年十九歲夫亡守節
年學憲毛旌表

康鶴齡妻張氏

年二十二歲守節家貧無子事
繼姑曲盡其孝學憲毛旌其門

張奎妻趙氏

年二十三歲守節
學憲吳旌其門

王直妻王氏

年二十歲守節
學憲吳旌其門

廩生韓鶚薦妻宗氏

年二十八歲守節
學憲吳旌其門

監生陳文妻宋氏

年二十歲守節
學憲倪給匾

武生郭廷惠妻葛氏

學憲吳給
匾旌其門

李 某妻王氏

學憲吳給
匾旌其門

劉培妻高氏

年二十四歲守
節五十四年

庠生于慎妻徐氏

學憲呂
旌其門

王五桂妻張氏

年二十四歲夫亡守
節現年五十四歲

三 英妻楊氏

年二十九歲守節
州憲張旌其門

耿世忠妻汪氏

年二十歲守節
州憲張旌表

張錫朋妻王氏

年二十六歲守節
州憲張旌其門

張慶文妻石氏

年二十八歲守節現年六
十二歲州憲張旌其門

張名奇妻章氏

年十八歲守節現年六
十歲州憲許旌其門

孫濟廷妻葛氏

年十九歲守節
州憲張旌其門

任簡書妻耿氏

年二十歲夫亡
守節四十年

劉學參妻尹氏

邑侯
給匾

張臣妻王氏

年二十九歲守節
邑侯袁旌其門

李亮功妻賈氏

年十九歲夫亡守節五十六年子長明妻袁氏年二十一歲孀守節

六十一年邑侯給雙節額

郭經妻高氏

年二十六歲夫亡守節四十二歲暨側室楊氏年二十五歲守節四十一

年邑侯袁給雙節匾

杜應麟妻賈氏

年二十九歲夫亡現年六十一邑侯翟給匾

程懷晉妻趙氏

年二十五歲守節邑侯曹旌其門

張恩問妻李氏

邑侯申給匾

張勉妻王氏

年二十四歲守節三十一年學憲周給匾

李培身妻黃氏

邑侯鄭給匾